

欽定剿平粵匪方略

欽定勦平粵匪方略卷三百二十八 壬戌年

十一月二十一日己巳曾國藩奏言金陵援賊經

官軍擊退後諜報僞忠王李秀城並未回蘇仍  
與諸酋死黨在秣陵關六郎橋一帶修壘堅持  
俟僞侍王由東壩擡船過壩卽分向金陵金柱  
關以圖再逞十月十七八等日忠逆之子及僞  
漳王對王數股併趨九洑洲一面圍李世忠各

營一面晝夜趕渡先後衝過江浦浦口者五六  
萬人曾國荃以南岸諸軍節節牽掣北岸郡縣  
處處空虛抽撥周惠堂等兩營搶紮西梁山先  
顧濱江要隘又商令李昭慶帶張樹聲五營自  
蕪湖北渡救無爲州以保皖南各營辦糧之路  
臣亦飛調李續宜所部蕭慶衍八營移紮廬州  
毛有銘七營移紮巢縣部勒甫定而僞對王一

股已衝過李世忠各壘從和州之青甸廟斜趨而西於二十七日陷含山縣二十八日陷巢縣十一月初一日陷和州幸張樹聲等五營已渡江駐紮無爲廬江縣亦截留上海新募吳長慶四營入城駐守並截留唐訓方新募何有能等三營與石清吉之兵協守廬郡此外衝要之所若店埠若運漕無兵扼防臣所調毛有銘一軍

尙在固始蕭慶衍一軍尙在霍邱現今齊赴舒城再行進兵至甯國悍賊黃汶金胡鼎汶等自踞西河斷我水路糧運而僞輔王楊逆之衆又時聲東擊西四出剽掠臣所收辦陸運自南陵至甯國府城到處阻賊各營將士有缺食之慮十月十三日賊乘張運蘭離營之際大舉攻城新任統將易開俊劉松山等登陴守禦礮石環

擊賊始解退易開俊奉臣調援旌德之檄十一月初三日道出涇縣適有甯邑另股圖襲涇城欲橫斷徽甯之氣易開俊協同駐旌各營力戰卻之鮑超在高祖山屯營雖多分汎過廣小挫之後未可遽議戰攻前調王可陞五營及何紹彩四營擬令分駐板橋黃麻渡先保糧路俟赴湘新募之七千人陸續到皖再行分途痛勦至

賴古諸逆之圍撲旌德者直薄城下環攻不休  
十月十七至十九等日朱品隆擊賊疊勝毀平  
二十餘壘賊始退聚九十等都旌城幸得解圍  
別有昌化廣德各賊黨突陷績溪縣城分竄歙  
境駐守徽郡之總兵唐義訓會同左宗棠派援  
之王文瑞等營於十一月初二日進攻績溪克  
復縣城而旌德境內之賊復於初三日闌入太

平縣初六日進踞黟縣之西遞地方初七日竄  
陷祁門欲斷徽州之餉道入江西之北境蓄計  
甚狡唐義訓王文瑞兩軍已回徽郡未知能否  
速攻祁門以圖克復竊計本年秋冬以來羣盜  
如毛南北環伺非先保皖北完善之區不能辦  
皖南之賊自和州以上直至蘄黃十數州縣千  
里無兵非有大枝勁旅扼駐廬州舒桐一帶不



特爲皖北無窮之憂亦且貽鄂豫兩省之患毛  
有銘蕭慶衍雖稱健將尙不足當此一路李續  
宜病勢未痊亦難遽來惟貴州提督江忠義與  
安徽藩司江忠溶誼本兄弟又有伊兄江忠源  
遺愛在民廬人至今頌之合無仰懇

天恩飭下江忠義統率所部三千人馳赴皖北與江  
忠溶同駐廬境必能艱難共濟屏蔽江淮於大

局實有裨益

同日本續宜奏言臣疊奉

諭旨飭催赴皖自顧何人猥荷

天恩信任至篤體恤入微豈敢遷延自外

生成惟臣歸里後痛母之餘舊疾時作反覆無常而

臣父之病亦視臣病爲增減臣心更覺難安臣

才識庸陋非

朝廷必不可少之人現臣母喪葬事宜歲暮當可  
完竣來年正月初旬百日假滿苟是時軍務順  
利額懇

恩施格外寬展假期若軍事緊急臣父體氣漸和卽  
當謹遵

聖訓迅赴皖省軍營以慰

宸廑均奏入

上命議政王軍機大臣傳諭官文曾國藩都興阿富  
明阿李鴻章沈葆楨左宗棠毛鴻賓李續宜唐訓  
方曰前據唐訓方奏和州含山巢縣三城連被賊  
陷當經諭令曾國藩等扼要嚴防會籌剿辦並令  
常勝軍進攻九洑洲茲據曾國藩奏稱賊匪大股  
五六萬人連陷含和巢三城幸張樹聲等五營由  
南岸渡江駐紮無爲州其廬江一縣截留上海新

募吳長慶四營入城又截留唐訓方新募何有能  
等三營與石清吉兵協守廬郡並調蕭慶衍等軍  
齊赴舒城布置尙屬周妥惟賊衆兵單店埠運漕  
一帶尙無兵勇扼守逆蹤飄忽殊甚誠恐著著落  
後曾國藩務宜迅速調度檄飭各軍實力堵遏毋  
令逆蹤再行西上一面知照唐訓方令將臨淮兵  
勇分撥店埠等處以免疏虞曾國藩都興阿富明

阿仍遵前旨查明此次李世忠因何敗衄是否不肯出力抑係兵單之故迅速具奏並查明營盤是否失陷卽由該大臣等迅撥兵勇前往援應常勝軍是否已到金陵江面著李鴻章迅速嚴催勿稍遲延並著都興阿等督催此軍會同水陸各營速將九洑洲攻拔以斷江路定遠一帶卽由唐訓方派兵遏截毋令賊匪北竄鄂省東界緊接皖疆官

文嚴樹森務須派兵嚴扼要隘加意防堵如廬郡等處情形再形喫重卽著速撥勁旅前往接應毋得稍分畛域至甯國涇縣旌德賊匪雖經擊退並將績溪克復而太平黟縣復有賊匪竄擾祁門縣城續行失陷賊蹤剽疾勢將延及江西斷絕徽郡餉道關係甚重著曾國藩督飭皖南各軍實力剿辦務將祁門先行克復次第肅清徽境浙省兵力

尙厚著左宗棠添撥兵勇赴援徽郡力顧大局饒  
郡廣信一帶沈葆楨宜嚴密籌防毋令賊蹤竄入  
並撥兵進援祁門以固邊境安慶廬郡處處空虛  
賊勢過重情形萬分緊要會國藩請調江忠義督  
帶所部三千人馳赴皖北該提督現在粵境著會  
國藩毛鴻賓迅速知會江忠義卽日移軍前往並  
著酌添勇丁一二千名隨後續往以厚兵力李續



宜擬俟百日孝滿後再乞寬假現在皖北軍情緊急斷難俯允所請李續宜務當體朝廷不得已之苦衷不必拘定百日卽於葬母後速赴皖北並著曾國藩嚴切函催毋再遷延

曾國藩又奏言遵

旨審明著浙江嚴州協副將陳步高儘先副將貴廷芳於上年十月先後調援杭省初歸張玉良統

轄繼歸況文榜統轄省城淪陷該員等救援不力雖非先事逃避而律以謀人軍師敗則死之之義均屬罪無可逃查統將與裨將權有輕重科罪應有等差張玉良雖已殉節況文榜現在上海帶勇經李鴻章奏明准其效力贖罪統將旣邀寬典裨將自難重議惟陳步高署理協篆係有地方之責貴廷芳一奔於甯國再奔於杭

州竟以逃潰爲常例均未便稍涉輕縱衡情定  
讞陳步高貴廷芳均應發往新疆效力贖罪總  
兵吳再升原帶勇丁於上年九月交林福祥接  
管十月杭城被圍奉張玉良檄重招潰卒維時  
糧械無措不能成軍城陷同逃厥咎較輕吳再  
升應發往軍臺效力贖罪是否允協恭候

聖裁奏入

上諭內閣曰署浙江嚴州協副將陳步高儘先副將  
貴廷芳上年十一月賊逼杭州該副將等督隊赴  
省救援不力迨省城失陷復行潰走總兵吳再升  
因上年浙江省城被圍奉派招集潰勇輒以軍糧  
無措城陷同逃均屬罪有應得陳步高貴廷芳均  
著發往新疆效力贖罪吳再升著發往軍臺效力  
贖罪

二十三日

辛未

官文嚴樹森奏言粵逆僞扶王僞

齊王僞啟王糾合大股髮捻竄擾楚疆經我軍  
擊敗回豫因豫省未經派兵夾擊以致沿途裹  
脅復由桐唐新鄧一帶繞至淅川闌入楚境十  
月初九日圍撲鄖陽府城署總兵訥欽署知府  
艾浚美督飭營縣登陴固守連日縋城出勦斃  
賊極多知府周有全管帶蔽船溯流而至水勇

登陸截勦城上槍礮齊施殲賊四百餘名十八  
日請欽艾浚美等督兵出城會合水師夾攻該  
逆敗退我軍乘勝追至河邊賊衆向西奔竄是  
役斃賊千餘名其夜四鼓該逆於安陽口等處  
搶船搭橋十九日大股陸續偷渡襄河署鄖西  
縣知縣林瑞枝督率團勇由天河口迎頭截擊  
撿斬無數二十日賊遂由均州分竄竹山房縣

境內襄荊完善之區俱爲震動而荊門州屬之  
當陽遠安宜昌府屬之興山襄陽府屬之南漳  
穀城等縣路路可通尤爲喫緊臣等飭道員梁  
作楫率勇由當遠一路確探賊蹤迎頭攔截並  
飭總兵楊朝林帶勇馳赴荊門策應又令宜昌  
府知府唐協和專防興山一路護軍統領舒保  
安襄鄖荆道歐陽正墉各率馬步諸軍專防襄

南穀宜一路探賊所向相機進剿務使剋期掃蕩以全腹地而固邊圉奏入

上命議政王軍機大臣傳諭官文多隆阿嚴樹森瑛  
棨張之萬曰髮逆僞扶王等糾合捻股竄擾楚境  
屢經官軍擊敗復由桐唐新鄧一帶繞至浙川直  
撲鄖陽府城經該署鎮知府等督飭營縣登陴固  
守水陸兵團屢次擒斬鄖郡得以無虞該逆於解



圍後復搶渡襄河分竄房竹襄荊完善之區俱爲  
震動若不剋期殄滅則此擊彼竄後患無窮不但  
荆宜各屬路路可通卽陝省之興安府境亦虞竄  
越官文嚴樹森業經調派梁作楫由當遠一路探  
蹤攔截楊朝林馳赴荊門策應並派舒保歐陽正  
塘各率馬步諸軍探賊所向相機進剿兵力不爲  
不厚著嚴飭派出文武員弁越境追剿就地殲除

勿徒以逐山本境爲了事惟該匪被勦窮蹙勢必  
分股竄突秦豫邊境與鄂省毗連處所不可不豫  
作準備著多隆阿瑛瑛張之萬各就該省情形選  
派得力將弁擇要堵遏毋使闖入陝豫境內又成  
不了之局

同日都興阿奏言逆匪大股由九洑洲竄至江  
浦浦口後探聞多紮木簞安設礮位僞造官軍

旗幟號衣意欲突竄儀揚攻撲前敵各營並分  
股上犯和合等情查逆情詭譎異常因我軍防  
剿嚴密難以明攻適值上海由皖北募勇陸續  
過境故欲假冒官軍乘閒竄突使我不及防備  
臣當通飭各營晝夜嚴防專派營務大員周歷  
巡察又於揚城內外及各鄉村鎮派撥弁兵盤  
查奸細並咨李鴻章所有續募皖北勇丁飭令

由江東下使該逆不能溷跡計無所施臣前聞  
輪船入江攻剿九浹洲之信卽令黃彬帶師船  
先赴上游豫備接應嗣據統帶常勝軍道員吳  
煦自焦山來函云頭隊輪船已於十月二十九  
日行抵鎮江後隊因阻雨雪不無稽遲二三日  
閒當可抵鎮俟全軍齊至整隊前進又云賊匪  
大股北竄浦口一帶卽使常勝軍果克九浹洲

殊無接應助守之師可爲深慮等語 臣當以上  
游早派師船足爲輪船策應北岸賊勢蔓延防  
剿正在喫緊且該逆有水陸齊撲儀揚之信此  
時輪船駐泊大江無論能否攻剿得手實足以  
壯聲威等語專弁函覆刻下焦山僅泊輪船二  
隻吳煦已回滬催趲取齊適奉

諭旨命將黃彬解赴曾國藩大營查辦現值上游文

報不通臣已飛催吳全美由下游趕赴瓜州會  
同副將刁經明上駛派員將黃彬由輪船解送  
安慶至臣於黃彬劣款未能覺察咎無可辭乃  
蒙

聖恩不加嚴譴感悚莫名此後惟有督飭吳全美整  
頓水師力祛積弊以期稍補愆尤奏入

上命議政王軍機大臣傳諭都興阿富明阿曰江南

逆匪圖竄儀揚攻撲前敵營盤該將軍等晝夜防  
範自可無虞疏失惟賊情詭譎著加意巡察毋使  
逆計得施該逆上竄含巢踰伏巢縣曾國藩等已  
調蕭慶衍等軍進剿恐其回竄江浦都興阿等務  
當隨時探明派兵夾擊毋留遺孽常勝軍頭隊已  
抵鎮江計日當已調齊著該將軍等嚴飭吳煦楊  
坊剋日進剿九洲如能將該洲攻克則南北之

賊阻隔賊氛自滅吳煦等所稟各情意涉取巧著  
都興阿等傳諭該道等如能迅速立功朝廷必沛  
恩施若畏葸貽誤必從重治罪斷不准稍存推諉  
以誤事機黃彬劣款甚多都興阿未能覺察咎實  
難辭此次姑從寬免議嗣後務當時時警惕不可  
稍涉瞻徇致干咎戾

同日唐訓方奏言廬州密邇賊氛情形喫緊臣



所部義字三營現已先後抵廬隨同石清吉之  
軍實力防守該逆偵知城守甚嚴未敢上犯而  
無爲廬江亦經曾國藩撥營駐守臣復令總兵  
張得勝派隊進扼定遠大局可期穩固惟該逆  
踰伏巢縣非加痛剿恐益滋蔓難圖蕭慶衍一  
軍前隊已到舒城毛有銘一軍亦當拔隊在途  
臣現函商曾國藩飛檄此二軍整旅前進迅圖

攻克巢縣爲節節埽蕩之計奏入

上命議政王軍機大臣傳諭唐訓方曰定遠爲往來  
通衢恐江北賊匪圖竄該署撫已令張得勝派兵  
進扼該處著卽迅飭該員將西竄之賊實力堵截  
一面會同蕭慶衍等軍進規巢縣迅速攻拔毋稍  
遲誤並會合石清吉四營嚴防廬郡不可稍有疏  
虞

二十八日丙子江甯將軍都興阿正紅旗漢軍都

統富明阿奏言用兵以裕餉爲先目前軍務不  
患防剿之無方而患餉源之不足糧臺因協餉  
不到釐捐不旺用項日多進項日少窘急情形  
迥非昔比臣等反覆籌商祇有運鹽濟餉之法  
但能籌出鉅本輾轉營運再得銷售暢旺於餉  
需大有裨益奈此時無本可籌惟有試行招商

領運爲得尺則尺得寸則寸之計如能招徠踴躍亦可稍事補苴但江面捐卡過多擬將各口岸釐捐有關正餉者照常徵收此外小卡遇揚營餉鹽執有公文護照者概免捐徵至於買鹽納課皆照淮南尋常商販辦理於鹽務毫無窒礙江北食米昂貴楚皖米價甚賤鹽銷之後卽於楚皖買米運回旣可平價便民更可提利充

餉惟事雖由營商定必須地方大員經理查有  
知府杜文瀾明白幹練卽飭在泰州設局試辦  
一切機宜由兩淮鹽運使喬松年督飭指示以  
期周妥糧臺道員許道身近在泰州鹽務熟悉  
並飭幫同喬松年經理至招商辦成後如何按  
引提利由局員妥議章程隨時造報並由臣等  
按月查覈務期有裨軍餉無礙商民此後如有

可以籌本自運及隨時變通之處再容臣等相機妥籌奏入得

旨允行

都興阿又奏冒欽奉

諭旨以李世忠一軍關繫緊要儘情形危急令臣派兵往援伏念臣忝膺督辦重任責無旁貸前李世忠部下遊擊翼文林奉調防堵石埭橋一帶

因賊勢過衆請師援剿卽經臣飭前總統水師  
黃彬親督師船上駛副將馬步雲都司劉連陞  
就近聯絡策應又派守備葉廣全帶巡船駛赴  
上游監陣督戰據報會同龔文林齊進於十一  
月十五日駛近賊巢拋擲火器燒燬賊船登岸  
追殺斃賊數百名將石埠橋一帶賊營十餘座  
全行踏毀餘逆敗竄龍潭此撥船援剿之實在

情形也至常勝軍進攻九狀洲昨已將吳煦來  
江復回情形奏

聞現將黃彬所統浦口礮船令吳全美另派大員管  
帶並令吳全美星夜前往接統俾資策應下游  
南岸福山白茆徐六涇等處聚賊日多有北竄  
之勢該處江面甚寬師船單薄業經總兵郭定  
猷飭令副將林宜華等抽帶拖罾等船馳赴通



州海門協同各港師船堵剿臣復飭郭定猷由靖江原防抽調師船親督下駛自營船蘆溪老洪牛洪各港嚴密布置聯絡聲援逆黨北渡現已上竄和含惟賊情詭譎恐復回竄上游地方遼闊距揚防各營甚遠當咨會國荃就近確探撥兵橫截並飭前撥江南助剿之游擊楊心純如探明賊果回竄卽由金陵統帶所部相機策

應

都興阿又奏言揚防馬隊官兵近年馬匹缺少  
現有張家口協領希林布等管解左宗棠所謂  
戰馬二百匹行抵揚州前途梗塞勢難繞赴浙  
營據該協領等稟請示遵合無仰懇

聖恩准將此項馬匹截留揚營卽給馬隊官兵乘騎  
較有裨益

同日馮子材魁玉奏言丹陽逆匪由陴城諫壁  
一帶分屯築卡窺伺鎮防十一月初八日副將  
田宗揚等帶隊分路進剿行抵諫壁該逆出巢  
抗拒我軍奮擊斃賊百餘名餘衆棄巢奔潰我  
軍追抵陴城火器齊施斃賊無算逆衆出巢死  
鬪守備陶世洪怒馬直前手刃僞軍帥一名餘  
皆辟易遁回黃山老巢官兵乘勝追殺當將陴

城賊卡一律焚燬共斃賊五六百名自是鎮防  
東南一路漸就肅清而西南諸賊由東陽龍潭  
石埠橋分竄欲從高資下犯臣等商撥總兵陶  
茂森統領馬隊迎頭截剿十八日敗賊於徐家  
橋埽平包家窰等處賊屯殲殪千餘名臣等恐  
該逆乘我少休添黨下竄以圖一逞當傳集諸  
將各授機宜以期痛加剿洗部勒甫定諜報句

容逆首糾集各巢死黨竄至上塘陵塘等處遂  
飭諸將銜枚疾馳分三路前進十八日馳抵上  
塘賊亦分路迎拒參將田慶和陣斬黃衣賊酋  
我軍往來衝擊疊殪悍賊多名陵塘逆股蠡擁  
來援遊擊汪柱元督隊旁抄殪賊目數名上塘  
敗賊麕集陵塘總兵張文德策馬摧堅指受槍  
傷仍裹創督陣兵勇乘勢薄之逆衆大潰共斃

賊二三千名生擒數十名十九日張文德等復帶勁旅搜剿餘匪由句容一路回竄附近已無賊蹤臣等仍飭諸軍益加備禦毋稍鬆勁所有前後數戰尤爲出力各員仰懇

天恩分別獎勵以昭激勸

同日沈葆楨奏言蘇浙逆匪上犯皖南意在遙斷浙軍糧道以解龍湯之圍臣調援浙之道員

屈蟠已革道員王德榜回防弋貫又以腹地空  
虛飭撫臨袁瑞四府各練土兵以備固守待援  
而撫州居通省中權尤屬緊要添調守備朱洪  
春率駐贛之虔字營前往協守現在屈蟠業已  
抵貫王德榜以龍游圍攻喫緊朱洪春以緝辦  
會昌巨案尚未到防十一月十二等日探聞賊  
由旌德陷績溪旋陷太平江防諸將及各郡縣

咸以賊蹤剽疾意不在皖勢將乘虛突入蹂躪  
完區飛請添兵分布諸隘惟饒郡旣無城可守  
與皖界毗連路路可通若備多力分名爲處處  
設防實無一處可恃臣調督糧道段起由廣豐  
馳赴景鎮節制水陸各軍並咨左宗棠速飭協  
守遂安之同知王沐一軍由婺源疾趨景鎮以  
壯前敵聲勢副將顧雲彩由玉山移紮弋陽王



德榜回紮玉山守備法占雄劉效鵬由省城率  
忠勇軍移紮安仁護贛南鎮總兵普承忠由吉  
安移紮撫州朱洪春就近扼紮吉安以固腹地  
其韓進春一軍本游擊之師非確知賊蹤未便  
輕調日來探報祁門復陷該處下連彭湖上接  
浮景中可直擣饒州逆衆惟虛是乘難決其定  
竄何路防軍單薄乞援甚急臣已飭韓進春馳

赴樂平居景鎮弋貴之閒相度機宜何路緊急  
卽向何路援勦以聯各軍聲勢至省城僅存兵  
千餘人臣飭每兵募一精壯餘丁合二千餘人  
日夕訓練以資城守第逆賊號稱十數萬西江  
兵力祇有此數卽各軍幸而獲勝終難杜其紛  
竄惟期蹙之下趨則中隔大湖水師得以施展  
大局庶可無虞均奏入

上命議政王軍機大臣傳諭曾國藩都興阿富明阿  
馮子材魁玉李鴻章沈葆楨左宗棠毛鴻賓曰逆  
匪竄渡江浦浦口圍撲李世忠營盤經都興阿派  
撥師船赴援石埠橋會同李世忠所部將附近一  
帶賊營踏毀餘逆敗往龍潭尙能不分畛域惟江  
浦浦口等處李世忠營盤尙有若干座現在被圍  
情形若何仍未據都興阿奏明前諭曾國藩等查

明李世忠營盤被圍情形撥兵赴援並查明李世忠是否出力著曾國藩都興阿富明阿仍遵前旨妥籌辦理詳細覆奏江浦浦口賊壘亦宜迅速攻拔不得任令久踞致滋蔓延常勝軍尙未到齊實屬疲玩並著李鴻章嚴催毋許再事遷延致誤大局南岸福山白茆徐六涇等處聚賊日多勢將北竄該處江面甚寬師船單薄都興阿等現飭副將

林宜華等抽帶拖舂等船馳赴通州等處協同堵  
剿著卽嚴飭下游將士實力梭巡以防逆蹤竄渡  
北岸左宗棠前調張家口馬二百匹現已行抵揚  
州此時道途梗塞無路繞越揚營馬匹正值短少  
著准其暫留應用一面由都興阿等咨會左宗棠  
俟道路疏通再行解赴浙營至鎮江爲南北咽喉  
該逆屢次撲犯意在覬覦城垣且圖牽掣鎮軍俾

不得分援北岸現在丹陽句容及東陽等處股匪  
分路偏城雖經官軍迎勦獲勝附近已無賊屯惟  
賊蹤飄忽仍恐去而復來且慮糾集大股冀圖一  
逞馮子材等仍當加意嚴防不可稍涉大意皖南  
逆匪併力西趨豫章邊防處處喫重沈葆楨現調  
道員段起由廣豐馳赴景德鎮節制水陸各軍並  
咨左宗棠飭令同知王沐一軍由婺源疾趨景德

鎮副將顧雲彩等移紮弋陽玉山並守備法占雄  
等分移安仁等處以固腹地仍令韓進春一軍馳  
赴樂平視何路緊急卽向何路援剿布置尙屬妥  
協惟地廣兵單誠恐逆蹤紛竄有應接不暇之勢  
著會國藩左宗棠隨時撥兵援應務於賊匪未入  
江境之先會同江西防兵迎頭截剿偪回徽郡並  
將祁門一帶賊匪迅速掃除以清皖浙諸軍後路

王德榜現在龍游卽著左宗棠迅飭該革員統率  
所部回防玉山湖南毗連江西該省現無軍務著  
毛鴻賓選派勁旅隨時協助江西防剿皖匪以壯  
聲援

上諭內閣曰丹陽句容逆黨下竄官軍迎剿獲勝共  
斃賊二三千名餘匪由句容一路回竄附近已無  
賊蹤剿辦甚爲得手所有尤爲出力之副將田慶



和著交軍機處記名遇有總兵缺出請旨簡放參  
將汪柱元著免補參將以副將儘先補用都司劉  
紹富著以遊擊儘先補用已革遊擊霍名陞楊廷  
福已革守備李士喜均著開復原官遊擊滕代倫  
都司李占春均著賞還頂戴

同日駱秉章奏旨石逆屢次敗衄竄至貴州桐  
梓大定黔西等處旣被兵團堵截且地瘠無食

可掠遂分股欲窺敘永訶知設備甚嚴乃由黔  
西竄入雲南鎮雄州境沿途裹脅其勢復張九  
月二十四五等日分五股由焦村直撲筠連經  
總兵熊煥章所部兵勇暨署知縣余元煜督飭  
民團連日力戰賊勢稍卻二十七日大股自吳  
家場雙合場來撲熊煥章兵勇僅千餘名兼須  
分顧高縣民團力不能敵筠連又無城池遂被

該逆闌入余元煜禦賊受傷退守羅家坳該逆分股直撲高縣署知縣丁良俊帶團馳赴涼風坳堵禦賊已由玉黃樓抄至城小團單於十月初一日被賊攻陷並分股上竄宜賓之橫江鎮丁良俊聞警督練折回熊煥章督率所部暨慶符縣團練赴援初五日進攻高縣賊由西門突出被我軍擊斃甚多追殺十餘里立將高縣克

復該逆悉遁橫江鎮欲搶渡金沙江進窺敘郡  
臣已先期飛調雲南提臣胡中和甘肅肅州鎮  
總兵何勝必總兵蕭慶高督軍由犍爲馳赴敘  
南相機截剿適張亮基行抵敘郡聞橫江喫緊  
已派參將楊發貴帶滇兵赴安邊協防與都司  
徐步雲兵團相爲犄角並派遊擊陶藻等帶勁  
勇三百餘名駐紮敘郡城外之眞武山初三至

初八等日楊發貴徐步雲屢次擊賊獲勝沈毀賊船多隻斃賊目數名該逆未能搶渡惟金沙江上游數百里南岸多係滇省地界毫無攔阻處處可以偷渡現在蕭慶高分軍由敘郡南岸進紮觀音堂水洞坎一帶以顧敘南門戶何勝必分軍馳赴屏山以防該逆由雲南之副官村偷渡上竄臣復飛飭馬邊雷波屏山各廳縣將

沿河船隻撤退並調團練嚴防上游布置旣密  
該逆勢將仍循滇境下竄珙縣長甯興文敘永  
在在堪虞臣復調川東鎮總兵唐友耕一軍由  
江安疾趨慶符並調臬司劉嶽昭所部由綦江  
馳赴長珙總兵吳安康一軍已抵敘永一俟諸  
軍雲集卽併力截剿以圖聚殲一面飛咨貴州  
撫臣派兵嚴扼黔西畢節一帶使賊不能橫竄

旁逸至筠連無城可守署知縣余元煜力戰受傷以致賊匪闖入縣治署高縣知縣丁良俊到任未及一月帶團出禦回援不及縣城失守旋經收復余元煜丁良俊相應請

旨革職暫留署任並飭余元煜力圖克復縣治其餘文武下落容俟查明覈辦

同日韓超田興恕奏言石逆擁衆入黔分撲遵

義桐梓經官軍擊敗不能深入遂分竄仁懷綏陽並由黔西奔竄大定署仁懷縣知縣沈浚集團守禦閏八月二十七八等日疊次擊敗撲城賊匪並開城迎勦斃賊無算生擒賊首三名賊向茅臺村一路竄去其竄綏陽一股約三四萬人九月初一日圖襲綏城守備廖熙麟率練堵禦時候補道于鍾岳在遵義勦匪抽調各軍徑



趨綏城賊乃不敢撲城竄至遵義東鄉焚掠知縣張師敬等帶隊由東南截勦副將全祖凱由西南兜擊賊衆敗竄全祖凱拔營跟追斬獲多名賊竄黔西州境經總兵沈宏富派隊擊敗復向大定與前竄定郡之匪合股肆擾窺伺郡城署咸甯鎮總兵李有恆奉檄督隊赴援與署大定府知府曹琅會撥兵練分隊設伏誘賊抄擊

李有恆親督中軍策應曹琅率同紳民嬰城守禦初八日賊撲東城我軍佯退誘之賊至伏兵齊起回軍夾攻斃賊無數生擒十一名正在追勦間突有另股從南北兩路撲來我軍分投截擊斃執旗賊首一名逆衆敗潰李有恆督軍追殺賊屍枕藉該逆退紮距城十餘里之攔鴉地方初九日我軍乘勝進勦沈宏富派副將胡均

祿等帶隊繼至賊由西路竄去該處係入水城  
郎岱二廳僻道又通平遠難定賊蹤所向且有  
由小壩等處竄入畢節者臣等飛飭沈宏富李  
有恆分軍追剿署平遠州知州龔秉琳等集團  
防守賊竄府州交界之大兔場李有恆追軍與  
各團協剿擒斬多名二十一日賊竄郎岱廳屬  
二十四日直撲廳城署同知嚴謹等率兵團守

禦擊斃賊匪多名臣等聞報添調兵練前往援  
剿三十日嚴謹偵知賊在城外壽佛寺開挖地  
道已偏城根當卽掘濠灌水以破之並令同知  
孫清彥率練勇攻毀壽佛寺該匪敗逃十月初  
一日賊由東北二路攻城我軍迎擊復有斬獲  
是夜賊衆分竄安南永甯臣等現催援軍分投  
堵剿其竄畢節之賊偏近縣城經署知縣馬應

鐘調團堵擊固守城垣李有恆派軍追至賊向  
雲南鎮雄州一路竄去查石逆兇狡異常竄突  
靡定幸地方文武守禦皆嚴將士用命得以屢  
挫賊鋒現在分竄安南永甯各股人數尙衆臣  
等惟有督飭各軍迅圖撲滅以除巨患均奏入  
上命議政王軍機大臣傳諭駱秉章韓超曰石逆入  
黔後由遵義桐梓分竄大定仁懷綏陽畢節郎岱

等處攻撲城池經該地方文武及總兵沈宏富等  
軍節節堵剿該逆不能逞志復由雲南鎮雄州回  
竄川境疊陷筠連高縣並上竄宜賓之橫江鎮意  
圖搶渡金沙江窺伺敘城雖經熊煥章等督兵將  
高縣城池克復楊發貴徐步雲擊毀賊船數隻未  
經搶渡而該逆兇燄頗張尙未大受懲創亟須厚  
集兵力以圖聚殲駭乘章現飭蕭慶高進紮敘郡

南岸何勝必馳扼屏山唐友耕疾趨慶符劉嶽昭  
馳赴長琪布置均尙嚴密著飭各軍聯絡聲勢併  
力截勦務將積年巨慙實力殲除勿徒以偏賊出  
境爲了事又爲他日邊患敘郡一城濱臨大江爲  
川南緊要關鍵尤當嚴密守衛毋稍疏虞並著駱  
秉章傳諭劉蓉迅速前往敘郡督師進勦早殄妖  
氛其黔省安南分股著韓超迅圖撲滅並分撥兵

勇會合川軍以勦爲防毋令該逆被勦窮蹙再竄  
黔疆

上諭內閣曰石逆由貴州回竄川境於九月二十七  
日闌入筠連十月初一日竄陷高縣該知縣等未  
能先事豫防實屬咎有應得著筠連縣知縣余元  
煜署高縣知縣丁良俊均著革職暫留署任以觀  
後效儘再不知愧奮卽行從嚴叅辦該二城文武



下落並著駱秉章查明具奏

駱秉章又奏言候選道章源當石逆窺涪州時  
經臣飭令帶勇赴涪與通判孔廣業之勇同守  
江面遏賊南渡乃該員等並不申明紀律嚴密  
巡防迫賊至勇潰又不亟圖收集致潰勇四出  
焚掠擾害地方實屬咎有應得相應請  
旨將章源孔廣業交部議處以肅軍律奏入

上從之